



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



QA
531
171



514 E 48584
JOANNIS ADOLFI TASSII,

Philosophi summi, & in Gymnasio, quod Hamburgi est,
olim Mathematicum Professoris Clarissimi,

314
TRIGONOMETRIÆ
CANONICÆ

COMPENDIUM,

In usum Gymnasij Hamburgensis editum,

Ex

RECENSIONE

HENRICI SIVERI, HAMB.

Math. Prof. P.

Cujus Sciagraphia compendii hujus
præcedit.



HAMBURGI,

Sumtibus ZACHARIÆ HERTELII, Bibliopolæ;
Typis GEORGII REBENLINI, Senat. & Scholar. Typogr.
Anno Æræ Christianæ M DC LXXVI.

1676

QA
531
T21

Hat 17.21

toch

10-18-36

22638

TRIGÆ SCHOLARCHARUM NORMALI,

Putà VIRIS.

1. *Nobilissimis, Amplissimis, atq; Consultissimis,*

DN. DITERICO MOLLERO. J.U.L.

DN. CASPARO WESTERMANN.

J. U. L.

DN. GEORGIO BECCELERO.

DN. ALBERTO WOLFIO.

à Magnifico Senatu
Rei Scholasticæ
Præfatis meri-
tissimis.

2. *Admodum Reverendis, Excellentissimis, Clarissimisq;*

DN. M. GOTHOFREDO GESIO,

Minist. Sen.

DN. D. DAVIDI KLUGIO.

DN. M. HERMANNO à PETKUM.

DN. D. ÆGIDIO STRAUCHIO, def.

Sacri Ordinis Primo-
ribus, & Pastoribus
Paroeciarum vigi-
lantissimis.

3. *Spectatissimis, Integerrimis & Prudentissimis,*

DN. NICOLAO KRULLIO, Præsidi h.t.

DN. JOACHIMO BOSTELMANNO.

DN. HERMANNO RENTZELIO.

DN. JOACHIMO ANKELMANNO.

DN. JUSTO BANDTIO.

DN. CORNELIO LANGERMANNO.

DN. CHRISTIANO BUSCHIO.

DN. JOANNI STAHLIO.

DN. GEORGIO KELLINGHUSIO.

DN. HENRICO MATFELDIO.

DN. JOANNI PAPIO.

DN. JOANNI ERLenkAMPIO.

Duodecim viris,
Civiumq; Anti-
sticibus lauda-
tissimis.

PATRONIS, PROMOTORIBUS, FAUTO-
RIBUSq; ET MUSARUM HAMBURGENSIIUM, ET
SUIS ETIAM, HONORATISSIMIS

SALUTEM.



Cùm, Nobilissimi, Reverendi admodum, & Spectatissimi Domini, TRIGA NORMALIS sit complexio trium quantitatum (vel numerorum, vel linearum) ita comparatarum, ut majoris quadratum quadratis reliquarum simul sumtis æquetur: Nobilissimumq; vestrum Collegium etiam ex tribus Ordinibus, & quidem ex iisdem, quibus Respublica nostra, constet; non ineptè illud æquè atq; hanc (Remp.) Trigæ normalis nomine insigniri posse puto. Præcipuo tamen jure Rempublicam nostram patriam, sic dici posse, nonnullæ hujus affectiones (quæ & Collegio vestro applicari suo modo possunt) affectionib9 Trigæ normalis similes sive analogæ arguunt, quarum unam alteramve licebit recensere.

Prima est Figuræ perfectæ constitutio. Sicuti enim tres lineæ cujuscunq; Trigæ normalis terminis suis coherentes triangulum faciunt rectangulum, quæ figura est omnium rectilinearum prima, perfectissima & præstantissima; sic tres Reipublicæ nostræ Ordines, Nobil. Magistratus scilicet, Rev. Ministerium, & Spect. Civitas reliqua, probè juncti statum Reipublicæ rectum, id est, felicissimum, formant.

Altera

Altera affectio est partium in potentis suis æquipollentia. Nam, quemadmodum in Triangulo hoc rectangulo catheti (lineæ minores) angulum rectum comprehendunt, quem subtendit hypotenusa (linea maxima) illarum æquale potens, ut Geometricè loquimur; sic Sacer Ordo Civili rectè insistit, eamq; rectitudinem Magistralis Ordo, sive Magistratus studiosè tuetur, illis æquipollens, hoc est, sacram æquè ac civilium rerum curam debitam habens.

De reliquis quoq; trianguli rectanguli affectionibus, scil. de notitia anguli acuti unius ex alterutro noto: item de cognitione lateris tertii cujuscunq; ex duobus reliquis datis: ut & de æqualitate inter angulos duos acutos, quos hypotenusa cum cathetis utrinq; constituit, simul sumtos, & angulum rectum cathetis comprehensum, aliisq; similis analogiæ exhiberi posset; verum, cum prolixo mihi hîc esse non libeat, sciens ac volens eas prætereo.

Hoc tantum addo, quod ex hac vestrum Triga singularem avorum nostrorum prudentiam, rei; Scholasticæ æstimationem videre sit. Cùm enim, quod res est, Scholam ut civitatis seminarium fructus suos per omnes status atq; ordines diffundere perspexerint, hujus curam omni quoq; civitati, sive omnibus Reipublicæ Ordinibus demandatam voluerunt.

Rectè igitur agitis, & Reipublicæ inter alia optimè consulitis, qui Scholam collabi non permittitis, sed quod hætenus summa cum laude vestra fecistis, labanti suc-

Curritis, defectum ejus sine mora supplentes, auctoritatemq; Docentium, quæ in disciplinis plurimum pollet, conservantes.

Quibus beneficiis vestris si quod speratur, pristina quoq; accesserit liberalitas, quæ labores compenset, & suspiria caveat; omnino nihil erit, quod de uberrimo Scholæ nostræ, & Gymnasii fructu dubitare nos cogat: quandoquidem omnes pariter & Præceptores classici, & Gymnasij Professores debitâ diligentia atq; industriâ inter se certant, prosperum conatuum suorum successum à divina benignitate quàm certissimè sibi polliciti.

Ceterum, cum & me dignum habueritis, qui non ita pridem omnium vestrum consensu ac votis, inter Gymnasij vestri Professores numerarer; gratias ea propter ago habeoq;, quas possum, maximas. Referrem quoq; nisi vestra hæc benevolentia vires excederet meas. Attamen ubi facultas mea officiosæ meæ voluntati non respondet, ibi alienam me advocare facile patiemini, qua defectus ille compensetur.

Quare, cum hunc Trigonometricum Tractatum (laborem vestri quondam Professoris, Viri Clarissimi JOANNIS ADOLFI TASSII, Philosophi, dum viveret, summi, & de studiosâ juventute vestra optimè meriti.) inter primas lectiones meas publicè explicandum, typisq; in discipulorum gratiam, describendum susceperim, illum Collegio vestro Nobilissimo consecrare non dubitavi.

Acci-

Accipite igitur eundem, in quaecumq; mea erga
vos observantia testimonium, gratiq; animi, pro singu-
lari vestro favore, indicium, atq; uti coepistis, sic deinceps
quoq; me, ac studia mea vobis habere commenda-
tissima: Ita vicissim vos omnes ac singulos SUMMA
ac SANCTISSIMA TRIGA sive TRIAS omni, im-
primis autem aeternâ felicitate, cumulare dignabitur, id
quod omnibus votis expetit.

*Dabam Hamburgi e musæo meo,
die 26 Maji, Anno Era
Christiana M DC LXXVII.*

*Nobiliss. Rev. pl. & Spectatiss.
Dignitat. Vestr.*

author devotus

HENRICUS SIVERUS.
Math. Prof. P.

AD LECTOREM BENEVOLUM.

EN deum, L. B. partem diligentia Tassiana: Compendium scilicet Trigonometricum in usum Gymnasij nostri, à Viro Clarissimo JOANNE ADOLFO TASSIO olim conscriptum. Scientiam illam exhibet, Geometriam & Arithmetica amplissimis parentibus natam, reliquarum omnium scientiarum facile principem. Dum enim circa Triangulorum enodationem versatur, usus ejus tum in Astronomia, tum in Geographia, tum in Geodesia quoque, & quae hinc connexa est Architectonica, civili pariter atque militari, aliisque scientiis maxime terminatur. Sed figurae hic nullae, nullaque exempla sunt addita. Cujus rei si causam queras, respondeo, illam contineri in libellis jam antea editis, qui Pars Geometriae de Magnitudinum Proportionibus, Arithmetica Empirica, & Photica inscribuntur, ubi hanc in parte desiderio tuo satisfactum quodammodo videbis. Ne tamen debitam scientia praestantissima per figuras & exempla explicationem omnino tibi interdictam putes; promitto me & hanc tandem, (si per divinam gratiam licuerit,) quamprimum eandem post repetitam lectionem, ut urja factum lambendo, perfecero, e penu mea utriusque exigua, adjecturum. Vale interim, meque tibi commendatum habeo.

SCIA-

SCIAGRAPHIA TRIGONOMETRIÆ CANONICÆ in partes duas distinctæ.

PARS PRIOR agit de *Triangulis Rectilineis Planis* præmittensque **DEFINITIONES GENERALES**, & primam quidem *Scientia hujus*, reliquas verò *Magnitudinum circulo adscriptarum*, putà *Subtensa*, *Sinûs recti*, *Sinûs versi*, tam *majoris quam minoris*, *Sinûs complementi*, *Sinûs totius sive Radii*, *Tangentis*, *Secantis*, *Complementi arcûs angulive* - - pag. 1, 2, & 3.

Subjungit pro fundamentis problematum **THEO-**

REMATA 15 - - - pag. 3, 4, 5, 6

Hinc sequuntur **PROBLEMATATA** primum **GENERALIA** 5, de *propositi arcûs angulive ascriptis inveniendis* - - - pag. 7 & 8

Deinde **SPECIALIA** 12, quæ *proponunt inveniendâ*
1. *in triangulis rectangulis*

PROBL. 1. *Angulum utrumq; acutum*, ex datis cathetis - pag. 9.

PROBL. 2. Eosdem, ex datis hypotenusa & una catheto, pag. 10.

PROBL. 3. *Cathetum utramq;*, ex datis hypotenusa & angulorum alterutro, - - - pag. ead.

PROBL. 4. *Cathetum unam*, ex datis altera catheto, & hypotenusa - - - pag. 11.

PROBL. 5. Eandem, ex datis catheto reliqua & angulo, qui catheto quæsitæ opponitur, - - - pag. ead.

PROBL. 6. *Hypotenusam*, ex datis catheto alterutra & angulo huic adjacenti - - - pag. ead.

PROBL. 7. Eandem, ex utraque catheto datâ, - - - pag. 12.

Huic annexum est **MONITUM** de **LOGARITHMIS**.

2. *In triangulis obliquangulis.*

PROBL. 8. *Angulum tertium & latera duo reliqua*, ex datis duobus angulis & latere uno, = pag. 13.

X X

PROBL.

PROBL. 9. *Angulum tertio lateri oppositum unū cum latere hoc, ex datis duobus lateribus & angulo alterutri opposito.* - - - pag. 14.

PROBL. 10. *Angulos reliquos & latus tertium, ex datis duobus lateribus cum angulo comprehenso.* - pag. 15.

PROBL. 11. *Segmenta, basis a perpendiculari facta angulosq; omnes, ex datis lateribus* - - - pag. 17.

PROBL. 12. *Proportiones laterum, ex datis angulis.* - pag. 19.

PARS POSTERIOR, agens de *Triangulis Sphæricis* præmittit **DEFINITIONES** *Trianguli Sphærici, Circuli Sphære maximi, Polorum Circuli, Anguli Sphærici, Trianguli Rectanguli, Birectanguli, Tirectanguli, Quadrantalıs, Biquadrantalıs, Triquadrantalıs, Trianguli obliquanguli, Complementi lateris, Complementi Anguli, Complementi Trianguli, Punctorum Circuli oppositorum, Hypotenusa & cathetorum in Triangulis Sphæricis, Triangulorum coherentium siue copulatorum* - - - pag. 20. & 21.

Hinc exhibet fundamentorum loco **THEO-**

REMATA 14. & - - - pag. 22. ad 26.

Cum **MONITO GENERALI** de *dimensione Triangulorum sphæricorum rectangulorum* - - - pag. 27.

Sequuntur tandem **PROBLEMATATA** 25, quibus

Proponuntur investigando

1. in triangulis rectangulis.

PROBL. 1. *Cathetus, ex datis hypotenusa & angulo sibi opposito.* - - - pag. 27.

PROBL. 2. *Eadem, ex hypotenusa & angulo sibi adjacente* - - - pag. 28.

PROBL. 3. *Eadem, ex datis hypotenusa & altera catheto. p. ead.*

PROBL. 4. *Eadem, ex datis altera catheto & angulo sibi opposito* - - - pag. ead.

PROBL. 5. *Eadem, ex altera catheto & angulo sibi adjacente.* - - - pag. 29.
Probl.

- PROBL. 6. Eadem utraq; ex dato utroq; angulo acuto. p. ead.
- PROBL. 7. *Hypotenusa*, ex datis alterutra catheto & angulo huic opposito. - - - pag. 30.
- PROBL. 8. Eadem, ex datis catheto & angulo eidem adjacente. - - - pag. ead.
- PROBL. 9. Eadem, ex data utraq; catheto. - - - pag. 31.
- PROBL. 10. Eadem, ex dato utroq; angulo acuto. - - - pag. ead.
- PROBL. 11. *Angulus*, ex datis hypotenusa & catheto sibi opposita. - - - pag. 32.
- PROBL. 12. Idem, ex datis hypotenusa & catheto sibi adjacente. - - - pag. ead.
- PROBL. 12. Idem, ex datis hypotenusa & angulo altero acuto. - - - pag. 33.
- PROBL. 14. Idem, ex data utraq; catheto. - - - pag. ead.
- PROBL. 15. Idem, ex altero angulo acuto & catheto sibi opposita, datis. - - - pag. 34.
- PROBL. 16. Idem, ex altero angulo acuto & catheto sibi adjacente datis. - - - pag. 35.
- Excipiunt hoc MONITVM alterum de reliquis *Triangulis* & *angulis*, quæ obvenire præterea possunt. - - - pag. ead.
- & THEOREMATA 7 de *Triangulis obliquangulis*. - pag. 36 & 37
- perguntque inde problemata reliqua, quibus porro *investiganda proponuntur*. & quidem.

2. In *triangulis obliquangulis*.

- PROBL. 17. *Latius*, ex datis latere & angulis sibi & dato lateri oppositis. - - - pag. 37.
- PROBL. 18. *Angulus*, ex datis angulo & lateribus sibi datoque angulo oppositis. - - - pag. 38.
- PROBL. 19. *Latius*, ex datis reliquis lateribus cum angulo ab hisce comprehenso. - - - pag. 39.
- PROBL. 20. *Angulus* quilibet, ex datis omnibus lateribus. p. 42.
- Adherent huic MONITA 4.
- PROBL. 21. *Latius*, ex datis omnibus angulis. - - - pag. 44.
- Probl.

- PROBL. 22.** *Angulus*, ex datis duobus lateribus cum angulo ab iisdem comprehenso - - - pag. 46.
PROBL. 23. *Angulus*, ex datis reliquis angulis cum latere hisce adjacente - - - pag. 47.
PROBL. 24. *Latus*, ex datis reliquis lateribus cum angulo alterutri opposito.
PROBL. 25. *Angulus*, ex datis reliquis angulis, cum latere alterutri opposito. - - - pag. 48.
-

ERRATA.

- Pag. 6. Lin. 10 pro 12, lege 13.*
Pag. 13. Lin. 23. pro per probl. 5 lege, per probl. 3. & hinc ponit segmentum reliquum, per probl. 5.
Pag. 14. Lin. antepen. pro Sinus; proveniente lege, Sinus proveniente
Pag. 16. Lin. 1 pro 15 lege 16.
Lin. 25, pro. Mod. 3 lege Mod. 4.
Pag. 23. Lin. 2 pro sunt lege sunt
Pag. 27. Lin. 12 pro dato lege data
Pag. 44. Lin. 21 pro latera lege sunt,
Pag. 45. Lin. 2 pro 180. lege 180 gradus.



JOAN.

JOH. ADOLFI TASSII
TRIGONOMETRIÆ CA-
NONICÆ COMPENDIUM.

PARS PRIOR,
*De Triangulorum Planorum
Dimensione.*

DEFINITIONES.

I.



Trigonometria est Scientia Mathematica, quæ proportionēs peripheriarum & arcuum inter se, atque ad magnitudines ascriptas, siue rectas circularibus configuratas, considerat, indeque dimensionēs Triangulorum in numeris deducit.

Nota. Illius partes duæ sunt; *Syntactica* & *Canonica*. *Prior* est, quæ ex Geometricis principiis proportionēs ascriptarum siue configuratarum inter se atque ad Peripherias siue arcus eruit, easq; in numeris ad assumptam circuli diametron relatis descriptas; siue, quæ constructionem Canonis triangulorum docet. *Posterior*, quæ, Canone jam constructo ad triangulorum dimensionēs utitur: Unde etiam nomen habet.

2. *Ascripta* siue *configurata circularibus recta* dicuntur, cum inter se vel uno, vel pluribus terminis communibus coherant.

A

Nota

2 TRIG. P. I. DE TRIANG. PLAN. DEF. 3, 4, 5, 6, 7, 8.

Nota. Hujusmodi sunt rectæ, quæ vel totæ intra circumculum cadunt, ut Subtensæ, & Sinus; vel totæ extra, ut Tangentes: vel ex parte intra, ex parte extra, ut Secantes. Quorum omnium Series columnis sive laterculis suis distinctæ, atque ad Peripheriæ partes gradibus ac minutis expressas accommodatæ *Canon Triangulorum*, itemque *Tabula Sinuum, Tangentium ac Secantium* appellantur. Quid autem Gradus in circulo sint, notum ex Geometria Empirica est. Horum singuli 60 minutis sive scrupulis æstimantur, quæ *minuta prima* vocari solent; & quodlibet primum 60 minutis secundis; atque ita porro.

III. *Subtensa* sive *Chorda* dicitur recta arcus in peripheria propositi terminos connectens. Et hinc *Subtendere* dicitur *Recta Arcuum*, cujus terminos connectit.

IV. *Sinus rectus* dicitur semissis subtensæ dupli arcus. Sive, dicitur recta ab altero arcus termino in diametrum per reliquum terminum ductam perpendicularis. Vocatur etiam simpliciter *Sinus*, item *Sinus primus*.

V. *Sinus versus* dicitur pars diametri inter alterum arcus terminum & Sinum rectum ejusdem arcus intercepta. Interdum etiam *Sagitta* vocatur. Estque dupla, *minor* & *major*.

VI. *Sinus versus minor* dicitur Sinus versus arcus quadrante minoris. Contrà, *Sinus versus major* dicitur Sinus versus arcus quadrante majoris.

VII. *Sinus Complementi* dicitur Sinus rectus arcus, qui cum proposito arcu quadrantem peripheriæ complet. Aliàs *Sinus secundus* nominatur.

VIII. *Sinus totus* dicitur Sinus rectus vel versus quadrantis peripheriæ. Sive, dicitur semidiameter circuli. Aliàs etiam *Radius*, itemque *Sinus maximus* nominatur.

LX. *Tan-*

IX. *Tangens* dicitur recta in extremam diametrum ad alterum arcus terminum ductam perpendiculariter insistent, & intercepta diametro per terminum reliquum extensa. Nonnulli *Profinum* vocant.

X. *Secans* dicitur recta ex centro arcus per alterum ejus extremum usque ad concursum *Tangentis* ejusdem arcus producta. A quibusdam *Transsinuosa* appellatur.

XI. *Sinus rectus, versus, Complementi*, itemque *Tangens & Secans anguli* alicujus dicitur Sinus rectus, versus, complementi, Tangens, Secans illius arcus, cui propositus angulus insistit.

XII. *Complementum arcus* dicitur arcus, quo propositus aliquis arcus à quadrante vel semicirculo differt. Sic quoque *Complementum anguli* dicitur angulus, quo propositus angulus à recto vel etiam à duobus rectis differt.

Nota. Dicuntur ita: quia cum proposito arcu vel angulo conjuncta, ibi quidem quadrantem aut semicirculum, hic verò angulum rectum aut duos rectos complent. Quoties autem simpliciter nominatur complementum arcus vel anguli, intelligitur complementum ad quadrantem aut angulum rectum.

THEOREMATA.

1. Eadem est subtensa duorum arcuum peripheriam complementium. Sic quoque idem est Sinus rectus duorum arcuum semiperipheriam constituentium.

2. Subtensarum maxima est diameter; Sinuum verò rectorum maximus, semidiameter.

3. Sinus complementi æquatur segmento Radii inter centrum arcus & ejusdem Sinum rectum intercepto.

4. Sinus versus minor radio minor est; & contrà major, radio major.

A 2

Conf.

4 TRIG. P. I. DE TRIANG:PLAN:THEOR. 5,6,7,8.

Consect: Duorum igitur arcuum semiperipheriam complementum, quorum idem est Sinus rectus, diversi sunt versus sinus.

5. Sinus versus minor cum sinu complementi ejusdem arcus æqualis est semidiametro. At Sinus versus major semidiametrum eodem hoc sinu excedit.

6. In triangulo rectangulo plano quadratum hypotenuse æquatur aggregato quadratorum super Cathetis descriptorum.

Consect: 1. Latus igitur sive radix quadrata hujus summe æquatur hypotenuse: Et subtractio unius catheti quadrato à quadrato hypotenuse, latus sive radix residui est cathetus altera.

Consect: 2. Sequitur hinc etiam, Sinum rectum & Sinum complementi arcus propositi æque posse radio.

7. Si Triangulum rectangulum circulo ascribatur, assumptæ hypotenuse pro radio & alterutro ejusdem termino pro centro; catheti fiunt Sinus recti angulorum oppositorum. Si vero altera cathetus pro radio assumatur manente centro; cathetus reliqua fit Tangens, hypotenusa Secans anguli acuti, qui assumptæ catheto adjacet.

Consect: Datæ igitur vel hypotenuse vel alterutrâ catheto cum altero acutorum angulorum; dantur latera reliqua ex proportionem, quæ ascriptis illis cum lateribus & angulis intercedit. Et contrâ, datis duobus lateribus, datur utervis angulus acutus, ex eadem causa.

8. In Triangulis planis universis latera eandem inter se proportionem habent, quam Sinus recti angulorum, quos ea latera subtendunt.

Consect. Ut igitur est latus unum ad latus alterum; sic est Sinus anguli, quem latus unum subtendit, ad Sinum anguli,

guli, quem subeodictus alterum. Et contra,

9. In quolibet Triangulo plano, aggregatum duorum quorumvis laterum ita se habet ad differentiam eorundem; ut Tangens dimidia summae angulorum hisce lateribus oppositorum ad Tangentem dimidia differentiae eorundem angulorum.

Consect: Datis igitur in Triangulo duobus lateribus cum angulo ab ipsis comprehenso; dantur etiam reliqui duo anguli, calculo, ut est in Theoremate, instituto.

10. In plano quovis triangulo ut est Sinus totus ad Sinum versum cujuslibet anguli: ita quoque est duplum rectangulum sub cruribus illius anguli ad excessum, quo quadratum basis sive lateris tertii superat quadratum differentiae crurum.

Consect: Quare datis iterum duobus trianguli lateribus cum angulo, quem continent; notus fiet excessus quadrati basis sive lateris tertii supra quadratum differentiae crurum; indeque porro basis ipsa sive latus tertium in cognitionem veniet.

11. Si in quolibet plano triangulo perpendicularis à vertice in oppositum latus ducatur, erit; ut basis ad aggregatum crurum: ita differentia crurum, ad differentiam segmentorum basis, cum perpendicularis intra cadit: ad productam vero basin, cum extra.

Consect: Datis igitur tribus trianguli lateribus; datur tum differentia segmentorum basis, tum basis continuata, ipsaque continuatio.

12. Si in triangulo plano perpendicularis à quovis angulo demissa cadat intra triangulum; Summa quadratorum basis & cruris utriuslibet, diminuta quadrato cruris reliqui, æquatur duplo rectangulo sub tota basi & ejusdem

6 TRIG: P. I. DE TRIANG: PLAN. THEOR. 12, 13, 14, 15.

segmento, quod cruri primum sumpto conterminum est, Si verò perpendicularis extra cadat, differentia inter quadratum maximi lateris & summam quadratorum sub reliquis lateribus est æqualis duplo, rectangulo sub basi ejusque continuamento.

Confect: Datis itaque tribus lateribus trianguli; datur utrumlibet segmentum basis, itemque ejus continuamentum.

12. In triangulo quocunque plano ita est duplum rectangulum, sive productum duorum laterum ad differentiam inter quadrata horum laterum simul sumpta & quadratum lateris tertii; ut Sinus totus ad Sinum complementi illius anguli, quem latera inter se multiplicata continent.

Confect; Quare datis iterum tribus lateribus; notus fiet ex proportionem theorematum angulus quilibet, qui lateribus inter se multiplicatis comprehenditur.

N. Si aggregatum quadratorum sub duobus lateribus æquatur quadrato lateris tertii; angulus ab illis lateribus comprehensus est rectus.

14. In triangulo acutangulo perpendicularis à quovis angulo ducta cadit intra triangulum. In obtusangulo demissa ab alterutro acuto extra cadit; ab obtuso, intra.

15. In triangulo rectangulo alter acutorum angulorum est complementum reliqui ad angulum rectum, sive 90. gradus. In quovis verò triangulo duo quilibet anguli simul sumti sunt complementum tertii ad duos rectos, sive 180. gradus.

PROBLEMATATA GENERALIA.

I. *Arcus cujuslibet in partibus peripheria (hoc est, gradibus ac minutis) dati ascriptas Canonum triangularum*

gulum insertas, siue Sinum, Tangentem & Secantem in eodem Canone invenire.

Quia in Canone Pitisci minori (quo nunc utemur) omnibusque alijs ad eam formam dispositis, gradus à primo usque ad 45^{um} summam paginam obtinent; inde verò usque ad quadrantem siue 90, imam; quos illic minuta prima in sinistro margine descendendo, hic in margine dextro ascendendo sequuntur, apposis ad singula minuta in eodem versu ascriptis, quæ gradibus simul ac minutis debentur: idem quod vult problema, in ejusmodi Canonibus hoc modo perficitur.

Adeatur pagina, in cuius vel summo vel imo dati gradus occurrunt, indeque deorsum aut sursum in minorum serie progrediendo (prout nempe gradus vel semiquadrantem superant, vel ab eo deficiunt) minuta adhaerentia querantur. Numeri enim illis à latere appositi exhibebunt in suis singuli columnis ascriptam, quæ proponitur inquirenda.

Quod si nulla adfuerint minuta; sumantur in dextra pagina numeri, quibus 0 est proposita; in sinistra autem, quibus 60, sed hic eo modo, ut unitas datis gradibus detrahatur.

Si verò arcus, datus quadrante major fuerit; eo à semiperipheria siue 180 gradibus subducto, fiat cum residuo, quod dictum est; & postea ascriptæ inventæ numerus Radii, ad quem constructus est Canon, addatur.

Vicissim, si data abscissa ascripta (siue Sinus sit, siue Tangens, siue Secans) respondens arcus postuletur; inquiretur ea in columna suæ denominationis. Gradus enim & minuta, quæ sinister margo offert inventæ ascriptæ apposita, arcum, quem volumus, indicabunt.

At

3 TRIG. P. I. DE TRIANGULAN. PROBL. G. 2. & 3.

At si data ascripta in columna sua precise non exstet; sumatur ea, quæ minimum à data differt: Huic enim adjuncti graduum ac minutorum numeri quàm proximè arcum, quæsitum exhibebunt.

II. Dati arcus Subtensam, & contrà, datæ Subtensa arcum convenientem invenire.

Dividatur arcus bifariam, & Sinus rectus bisectioni dupletur; duplum hoc erit Subtensa quæsitæ, ex def. 3^{ia}.

Contrà, si detur Subtensa quæritur autem arcus, cui illa subtenditur; secetur Subtensa bifariam; bisectionum enim erit Sinus rectus dimidii arcus, ejusque duplum arcus ipse, per eandem.

III. Dati arcus vel anguli Sinum versum inquirere. Et contrà.

Si datus arcus angulusve fuerit quadrante minor, auferatur Sinus complementi à sinu toto s^c Radio: Residuum erit Sinus versus, quem volumus, per th. 5.

Si verò arcus angulusve datus quadrante major fuerit; addatur Sinus excessus supra quadrantem ad Sinum totum Canonis; quod producit, erit iterum Sinus versus, per idem Theor.

Contrà. Si dati Sinus versi quadrante minoris arcus angulusve respondens postuletur; subtrahatur Sinus ille à Sinu toto Canonis; ita remanebit Sinus complementi. Hujus arcus à quadrante sive 90 grad. detractus exhibebit arcum quæsitum, per theor. 3 & 5 hujus.

Si verò Sinus versi quadrante majoris arcus desideretur; auferatur Sinus totus Canonis à dato hoc Sinu; quod restat erit Sinus excessus supra quadrantem. Hujus arcus 90 gradibus additus producet arcum quæsitum per eandem theorematæ.

PRO.

PROBLEMAT A SPECIALIA.

I. *Triangulorum rectangulorum.*

Nota. Quamquam methodus Geometrica non nisi unicum problema hic poscit, generaliter propositum (*Datis tribus quibusque præter tres angulos in triangulo plano; reliqua tria invenire*) cujus deinde varii casus ordine recenscantur, ac numeris aptentur: quia tamen ea doctrinæ ratio discipulorum studiis non adeo commoda videtur; placet Didacticæ leges hic potius observare, & casuum illorum varietatem ad separata problemata reducere, ut hoc modo omnia fiant distinctiora, & confusio evitetur.

INVENTIO ANGULORUM,

I. *Datis Trianguli Rectanguli cathetis; utrumq; angulum acutum invenire.*

Mod. 1. Assumatur Cathetus angulo quæsito adjacens pro Radio; ut reliqua fiat Tangens ejusdem anguli, atque ex theoremate septimo proportio ita ordinetur:

Ut cathetus quæsito angulo adjacens ad cathetum eidem oppositam; ita Radius ad tangentem quæsiti anguli.

Quæ in Canone Alorum exhibebit. angulum ipsum, atque è regione complementum, sive alterum angulum acutum.

Mod. 2. Vel ex theoremate 9. Inventâ summâ & differentiâ cathetorum, fiat in proportionum regula.

Ut summa cathetorum ad differentiam eorundem; ita Tangens dimidiatæ summæ angulorum ips. oppositorum (nempe 45 grad.; ad Tangentem dimidiatæ differentiæ illorum angulorum.

Sublatâ igitur totâ differentiâ à 90 grad.; erit residui

B

femis;

10 TRIG. P. I. De TRIANG. PL. REC. PROB. SP. 2. 3.

femissis angulus minor. Huic autem addita differentia majorem constituet.

II *Datâ hypotenusâ, & alterâ catheto; eosdem angulos acutos investigare.*

Mod. 1. Problema hoc duplici ratione expediri potest, prout hypotenusâ vel cathetus assumitur pro Radio. Si hypotenusâ fiat Radius; proportio ex theoremate 7^{ti}mo & 8^{to}vo erit hujusmodi:

Ut hypotenusâ datâ, ad datam cathetum; ita Radius ad Sinum anguli catheto datâ oppositi.

Si verò cathetus datâ fiat Radius; proportio ita instituat:

Ut cathetus datâ ad hypotenusâ datam; Sic Radius ad Secantem anguli datâ catheto adjacentis.

Invento autem hoc angulo, alter quoque invenietur per theorema 15^o hujus.

INVENTIO CATHETORUM.

III *Datâ hypotenusâ & altero acutorum angulorum; utramq; cathetum invenire.*

Mod. 1. Quia in triangulo rectangulo ex theor. 15^o dato uno angulorum acutorum, etiam alter datur, posita igitur hypotenusâ pro Radio, proportio ad theor. 7^o vel 8^oum ordinetur hoc modo:

Ut Radius ad Sinum anguli quæsita catheto oppositi; ita hypotenusâ datâ ad cathetum quæsitum.

Mod. 2. Vel, posita catheto quæsita pro Radio, fiat:

Ut Secans anguli quæsita catheto adjacentis, ad Radius; ita hypotenusâ datâ ad quæsitam cathetum.

IV. De

IV. *Datâ hypotenusâ & alterutra catheto; inquirere reliquam.*

Mod. 1. A quadrato hypotenusæ subducatur quadratum catheti datæ. Residui latus, siue radix quadrata, cathetum quæsitam aperiet.

Mod. 2. Vel, per probl: 2dum hujus, investigetur alter angulus acutus, indeque per proxime præcedens, aut sequens problema, cathetus desiderata.

V. *Datâ alterutrâ catheto & angulo, quæ reliqua opponitur; alteram hanc cathetum invenire.*

Mod. 1. Assumptâ catheto pro Radio, fiat itidem ex theor. 7.

Ut Radius ad Tangentem anguli quæsitæ catheto oppositi; ita cathetus data ad quæsitam.

Mod. 2. Vel fiat ex theoremate octavo:

Ut Sinus anguli catheto data oppositi ad Sinum anguli quæsitæ catheto oppositi; siue ad Sinum complementi; ita cathetus data ad quæsitam.

INVENTIO HYPOTENUSÆ.

VI. *Datâ alterutrâ catheto, & angulo acuto eidem adjacente; hypotenusam inquirere.*

Mod. 1. Positâ catheto datâ pro Radio, instituaturs hujusmodi proportio:

Ut Radius ad Secantem anguli data catheto adjacentis; ita hæc cathetus ad hypotenusam quæsitam.

Mod. 2 Vel ex theoremate 8vo, hoc modo

Ut sinus anguli data catheto oppositi ad Radium; ita data cathetus ad hypotenusam inquirendam.

VII. *Data utraq; catheto; hypotenusam investigare.*

Mod. 1. Addantur quadrata cathetorum. Summæ lateris, vel radix quadrata, erit hypotenusæ ex theor. 6to,

Mod. 2. Vel inquiratur primum alteruter angulus acutus per probl. primum hujus. Et deinde hypotenusæ per probl. proxime præcedens.

Mod. 3. Vel etiam ad duplum productum cathetorum addatur quadratum differentię earundem. Aggregati radix est hypotenusæ.

MONITUM. Quia ex *Logarithmorum* usu, (numeri sunt, definiente Briggio, qui proportionalibus adjuncti, æquales servant differentias,) non parùm facilitatis calculo Trigonometrico accedit: Ideo, si quis illos in dimensionē triangulorum adhibere cupit, rem ità instituat. Dispositis quos problema præscribit, numeris arcuum ac laterum datorum; desumantur ex logarithmorum Canone logarithmi ascriptarum (sive Sinus sint, sive Tangentes, sive Secantes, sive etiam latera Triangulorum) quarum proportionē problema solvendum est. Deinde, ubi in calculo adscriptarum vulgari multiplicatio requiritur, ibi addantur Logarithmi ex Canone desumpti; ubi divisio, ibi alter ab altero subtrahatur; ubi radicis quadratæ extractio, ibi dimidietur logarithmus ei serviens. Quod enim proveniet, in Canone illo Logarithmorum quæsitum, dabit in proposito quolibet triangulo, tam sphærico, quàm plano, idem cum vulgari calculo.

2. TRIANGULORUM: OBLIQUANGU-
LORUM.

*VIII. Datis in triangulo obliquangulo duobus
angulis & latere uno; angulum tertium, ac latera re-
liqua invenire.*

Mod. 1. Aggregatum datorum angulorum subtraha-
tur à 180 gradibus; residuum erit angulus tertius, ex the-
or. 15.

Ut verò latera inveniantur, proportio ex theor. 8vo
instituat hoc modo:

*Ut Sinus anguli lateri dato oppositi ad Sinum anguli lateri
quæsiti oppositi; ita latus datum ad quæsitum.*

Quod hinc invenietur in partibus dati lateris.

N. Si alter datorum angulorum est obtusus; sumatur
ejus complementum ad duos rectos, cum utriusq; idem sit
Sinus rectus, per theor. 1.

Mod. 2. Reductione ad rectangula.

Cas. 1. Invenio, per th. 15, angulo tertio demittatur per-
pendicularis ab alterutro termino dati lateris in basin sive
latus oppositum. *Qua si intra triangulum cadat*, (quod ex
th. 12. facile patebit,) inquiratur tum segmentum lateri da-
to conterminum, tum perpendicularis ista, per probl. 5.
Addito deinde utroque segmento, innotescet latus, quod
primò quærebatur. Latus autem reliquum invenietur
per probl. 6 vel 7.

Cas. 2. Si verò perpendicularis extra triangulum cadat,
productâ basi sive latere, in quod illa incidit, usq; ad com-
munem sectionem cum perpendiculari; investigetur tum

14 TRIG. P. I. DE TRIANG. PL. OBLIQ. PROBL. SP. 9.

hæc ipsa perpendicularis, cum basi continuata, per probl. 3; segmentum verò externum sive continuamentum, per probl. 5. Eo a, subtracto à tota basi productâ; remanebit segmentum internum, sive latus ipsum, quod primò quæritur. Latus verò tertium problema 6 vel 7 exhibebit,

IX. Datis trianguli obliquanguli duobus lateribus, & angulo alterutri opposito; angulum reliquo lateri oppositum unâ cum latere tertio inquirere.

Mod. 1. Ex Theoremate octavo fiat hoc modo:

Ut latus dato angulo oppositum ad latus alterum; ita Sinus anguli dati ad Sinum anguli quæsit.

Qui in Canone exhibebit angulum ipsum; isque cum dato angulo compositus & summâ à 180 gradibus detractâ, erit, quod relinquitur, angulus tertius. Unde per problema proximè antecedens tertium quoque latus innotescet.

MONITUM.

Si datus angulus fuerit acutus, & latus eidem oppositum minus eo altero, quod angulo quæsito subtenditur; ambiguum est, utrum angulus qui quæritur sit acutus, an obtusus, cum utrique idem Sinus rectus respondeat, per Th. 1. In hoc igitur casu danda etiam anguli inveniendi species est, utrum nempe acutus vel obtusus sit.

Cas. 1. Nam, si acutus fuerit; Sinus quarto proportionis loco proveniens dabit in Canone angulum ipsum, ut habetur in problemate.

Cas. 2. Si verò obtusus detur; erit complementum anguli, in Canone Sinus; provenientei respondentis, ad duos rectos quæsitus ille angulus.

Quod si data latera fuerint inter se æqualia, aut latus dato

TRIG . P. I. DE TRIAN. PL. OBLIQ. PROBL. SP. 10. 15
dato acuto angulo oppositum majus altero latere dato; aut
etiam angulus, qui datur, obtusus; quæsitus semper acu-
tus est, nec problema ulteriori determinatione indiget.

Mod. 2. Aliter reductione ad rectangula.

Cas. 1. Deducatur perpendicularis in latus ignotum ab op-
posito apice, eaq. intra triangulum cadente; investigetur
primò tum perpendicularis, tum segmentum basis dato an-
gulo adjacens per probl. 3. Postea ex perpendiculari &
altero latere dato inquiratur angulus utervis ignotus huic
lateri adjacens, per probl. 2 hujus, indeque porro segmen-
tum basis reliquum, per probl. 4 & 5.

Cas. 2. Quod si perpendicularis extra triangulum ca-
dat, eâ inventâ per probl. 3; inquiratur basis producta per
probl. 3 sive 4. Anguli verò ignoti per probl. 2. Deni-
que continuamento per probl. 4 s. 5 investigato; subtra-
hatur id. de tota basi antea inventa, & relinquetur latus
tertium.

X. *Datis in triangulo obliquangulo duobus
lateribus, & angulo ab iisdem comprehenso; reli-
quos duos angulos, & tertium investigare.*

Mod. 1. Subducatur datus angulus à duobus rectis s.
180 gradibus; residui semissis est dimidia summa angulo-
rum inveniendorum, cujus Tangens in Canone queratur.
Additis deinde etiam ac subtractis invicem datis lateri-
bus, ut eorum summa ac differentia innotescat, ordinetur
indè proportio ex theor. 9 hoc modo:

*Ut summa laterum datorum ad eorundem differentiam; ita
Tangens dimidiata summa angulorum quærendorum ad Tan-
gentem anguli, quominor quærendus ab hac dimidia summa
deficit, major eandem superat.*

Si

15 TRIG. P. I. DE TRIANG. PL. OBLIQ. PROB. SP. 10.

Si igitur angulus ille in Canone inventus à dimidia summa auferatur; remanebit angulus dato minori lateri oppositus. Sin eidem dimidiæ summæ addatur, proveniet angulus oppositus majori lateri. Latus verò tertium cognitis angulis inquiratur per probl. 8 antecedens.

Mod. 2. Idem verò latus sine ope illorum angulorum etiam hoc modo inveniri potest. Multiplicetur Sinus versus dati anguli per duplum productum datorum crurum, eoque per Radium diviso, addatur quoto quadratum differentię laterum. Nam radix quadrata ex aggregato extracta indicabit latus quæsitum.

Mod. 3. Vel, quod idem efficit, Sinus complementi dati anguli ducatur in duplum productum crurum, & quod prodit Radio dividatur. Quotus dabit differentiam inter quadrata crurum, & quadratum basis sive lateris desiderati. Ea autem differentia subtrahitur à quadratis crurum simul junctis, si angulus datus est acutus: iisdem verò additur, si obtusus, atque ex utroque radix quadrata extrahitur.

MONITUM. Si latera data sint inter se æqualia nullà opus Trigonometriâ, in querendis angulis. Subtracto enim angulo dato à duobus rectis, & residuo bisecto, erit uterque angulus bisegmento æqualis.

Mod. 3. Reductione ad Rectangula.

Cas. 1. Demittatur perpendicularis ab alterutro angulo ignoto in latus oppositum. Ea a, intra triangulum cadente, inveniatur, ut in proxime antecedentibus problematibus, tum perpendicularis illa, tum segmentum basis dato angulo adjacens, per probl. 3. hujus; & hinc porro segmentum reliquum subtractione inventi à totâ basi.

Post

Post in altero triangulo investigetur, per 1. probl: hujus, uterlibet angulus ignoto lateri adjacens, indeq; per probl: 6 vel 7, latus ipsum.

Cas. 2. At si perpendicularis cadat extra triangulum; ea inveniri, quæratu'r primùm angulus basi continuatæ oppositus, (siquidem latus alterum datum cum perpendiculari ducta illum angulum contineat,) indeq; basis ipsa. Vel etiam continuamentum, si crus alterum hujus anguli sit latus ignotum: & deinde angulus alteruter quæsitus. Angulus autem reliquus, & latus tertium ignotum hinc invenientur, ut in superioribus expositum est.

XI. Datis lateribus Trianguli, obliquanguli; segmenta basis à perpendiculari facta, omnesq; angulos invenire.

Cas. 1. Mod. 1. Assumatur latus maximum pro basi, additq; ac subtractis inter se duobus reliquis lateribus, ut proveniat summa ac differentia eorundem, instituat ex theor. hujusmodi proportio.

Ut latus maximum pro basi assumptum ad summam laterum reliquorum; ita differentia eorundem laterum ad differentiam segmentorum basis.

Ea igitur à basi detracta, relinquitur duplum segmenti minoris, hujusq; bisectione ipsum segmentum minus prodibit. Cui si eadem differentia addatur, proveniet majus segmentum. Cognitis autem hoc modo segmentis; anguli per probl: 2. innotescunt.

Cas. 1. Mod. 2. Per Theor: 12.

De summa quadratorum lateris maximi & utriuslibet reliquorum, subtrahatur quadratum lateris ztii, residuumque per duplum maximi lateris dividatur. Quo-

18 TRIG. P. I. DE TRIANG. PL. OBLIQ. PROB. SP. II.

tus dabit segmentum lateri primū sumpto conterminum. Hoc ergo detractum de toto latere maximo relinquet segmentum alterum. Unde anguli duo per secundum probl: invenientur.

Nota. Si differentia quadratorum numero pari exprimitur; ejus dimidium compendiosius dividetur per maximum latus simplum.

MONITUM. Quodd maximum latus pro basi hic eligitur, fit propterea, ne perpendicularis extra triangulum cadat. Id verò si non curetur, perinde est, quodnam latus basis locum obeat.

Cas. 2. Assumpto autem pro libitu alio latere; hoc attendatur oportet, si, peractā ad præscriptum problematis operatione, priori modo quartus proportionis numerus proveniat major basi, alterum angulum ad basin, qui nempe majori reliquorum laterum opponitur, esse obtusum, & perpendicularem extra triangulum cadere ad obtusum hunc angulum. Quare, subtractā basi ab invento illo numero, residui semisis erit segmentum externum, sive continuamentum. Anguli a. reperientur per probl: 2. ut in superioribus exemplis expositum est. In posteriori a. modo perpendicularis itidem extra cadit, cum summam quadratorum basis atq; alterutrius lateris excedit quadratum lateris tertii. Si igitur tunc summa illa quadratorum subtrahatur à quadrato tertii lateris, & residuum per duplam basin dividatur; prodibit continuamentum, & hinc tota basis producta.

Mod. 3. Si, datis lateribus trianguli, non tam segmenta basis, quam angulus aliquis desideretur; calculus ex the-

TRIG. P. 1. DE TRIANG. PL. OBLIQ. PROB. SP. 12. 19

orem; 13 brevis ita institui poterit. Invento tum duplo producto crurum anguli quæsiti, tum differentiâ inter aggregatum quadratorum è cruribus & quadratum basis; fiat inde proportio hujusmodi:

*Ut duplum productum crurum quæsiti anguli ad differenti-
am inter quadrata crurum conjuncta, & quadratum basis;
ita Radius ad Sinum complementi anguli, quem volumus.*

Mod. 4. Vel, si quis Sinu verso uti malit, operatio fieri poterit hoc modo:

De quadrato lateris quæsito angulo oppositi subtrahatur quadratum differentie laterum reliquorum, additisque ad residuum tot. zyphris, quot constat Radius; dividatur totus numerus per duplum productum eorundem laterum. Quotus enim proveniens erit Sinus versus anguli, quem cognitum cupimus.

*XII. Datis omnibus trianguli plani rectilinei
angulis; proportionem laterum definire.*

Cum per th: 8 latera eandem inter se proportionem habeant, quam Sinus recti oppositorum angulorum; excerptur è Canone datorum angulorum Sinus: ii enim quæsitam laterum proportionem aperient.

MONITUM. Quoniam in triangulis sphericis ex datis angulis investigari latera possunt, ut in sequentibus videbimus; id tamen in rectilineis non procedit. In his enim infinita triangula per 18. VI Euclidis construi possunt, assumptis aliis atque aliis rectis pro basi, triangulo datorum laterum similia. Quod si etiam in quovis triangulo BCD, cujus anguli dantur, ducatur ex quolibet puncto F alterutrum lateris, v. g. BC, basi BD parrallela FG, ea desecabit triangulum FCC toto BCD minus, eidem ta-

20 TRIG.P.2.DE TRIANG.SPHER.DEFIN.1,2,3,4,5.
 men æquiangulum; cùm angulus ad C sit communis, &
 anguli CFG & CGF æquantur angulis ad B & D per 29
 Lib. I. Euclidis, sive per 7 theor. primæ Sectionis Geome-
 triæ Empiricæ.

TRIGONOMETRIÆ CANO- NICA

PARS POSTERIOR.

De Triangulorum Sphæricorum Dimensione.

DEFINITIONES.

I,

Triangulum Sphæricum est, quod in superficie sphæ-
 rica describitur. Vel, si usum Trigonometri-
 cum spectemus, est triangulum, cujus latera sunt
 arcus maximorum in sphæra circularum.

II. *Circulus Sphæra Maximus* dicitur, qui idem
 cum sphæra centrum habet. *Minor* contra, cujus centrum
 à sphæra centro diversum est.

III. *Polus circuli sphærici* dicitur punctum in superfi-
 cie sphæra, à quo omnes lineæ rectæ ad peripheriam illius
 circuli ductæ inter se æquantur.

IV. *Angulus Sphæricus* dicitur, qui in superficie
 sphærica existit, sive, (ex usu Trigonometrico,) cujus crura
 sunt arcus maximorum circularum in sphæra.

V. *Triangulum Sphæricum Rectangulum* dicitur, cujus
 unus saltem angulus est rectus. Et hoc ipsum, si unicum
 | san-

TRIG. P. 2. DE TRIANG. SPH. DEF. 6, 7, 8, 9, 10, 11, 12, 13. 28
 tantum rectum habeat, strictiore vocis usu *Rectangulum* vocari solet: Si duos, *Birectangulum*; Si omnes tres, *Trirectangulum*.

VI. *Triangulum Quadrantale* dicitur, cujus unum latius est quadrans circuli maximi. Sic *Biquadrantale* est, cujus duo latera sunt quadrantes. *Triquadrantale*, cujus omnia tria latera quadrantes sunt.

VII. *Triangulum Sphaericum Obliquangulum* dicitur, cujus nullus angulus est rectus. Et *Acutangulum* quidem illud, cujus omnes anguli sunt acuti. *Obtusangulum*, cujus vel unus, vel duo, vel etiam omnes tres anguli sunt obtusi.

VIII. *Complementum lateris in Triangulo Sphaerico* dicitur arcus, quo latus à quadrante, vel semicirculo differt.

IX. *Complementum Anguli acuti* dicitur, quod eidem ad rectum sive 90 grad. deest. *Complementum obtusi* verò, quod huic ipsi deest ad duos rectos, sive 180 gradus.

X. *Triangulum Ali complementum* sive *Alum* *Allo oppositum* dicitur, cum utriusque eadem basis est, & crura unius sunt crurum alterius complementa ad semicirculos.

XI. *Puncta circuli opposita* dicuntur, quæ eadem diameter connectit. Sive, quæ sunt extrema ejusdem diameter.

XII. *Hypotenusa in Triangulo Sphaerico Rectangulo* (ex analogia rectanguli plani) dicitur latus angulo recto oppositum. Latera verò rectum continentia, *Catheti*.

XIII. Si hypotenusa & alterutra cathetus usque ad quadrantes continuata jungantur arcu, ex vertice comprehensi anguli tanquam centro descripto, duo contigua Triangula, quæ hinc oriuntur, *Cohærentia* sive *copulata Triangula* vocantur; cathetus autem continuata, *Basis*; reliqua, *Cathetus Minor*; & descriptus arcus, *Cathetus Major* dicitur.

THEOREMATA.

1. Trianguli sphaerici singula latera sunt semicirculi minora.

2. Circulus quisque maximus à suis polis utrinque quadrante circuli maximi distat. Minores autem circuli ab altero suorum polorum minus quadrante, ab altero plus absunt.

Not. Quod de circulis tum hic tum in sequentibus theorematibus enunciatum, id accipiendum etiam est de eorundem peripheriis, nisi quid aliter moneatur.

3. Circuli maximi in eadem sphaera inter se aequales sunt, seque mutuo ac sphaeram totam bisecant. Et contra: si sphaeram ac sese mutuo bisecant, sunt maximi.

4. Duo circuli sphaerici, quorum alter per alterius polos transit, ad angulos rectos sese interfecant. Et vicissim. Si ad angulos rectos sese mutuo secant, alter transit per alterius polos.

5. Si anguli sphaerici crura porrò ac retrò usque ad concursum continentur, semicirculi proveniunt; suntq; anguli ad verticem, & quae crura continuata ad concursum comprehendunt, angulo proposito aequales.

Consect. Continuatim igitur binis quibusque lateribus Trianguli sphaerici usq; ad concursum, proveniunt tria illig triangulari complementa, quae angulos in vertice atque in concursu angulis crurum continuatorum aequales habent.

6. Angulum sphaericum mensurat arcus peripheriae maxima, quem ex vertice anguli tanquam centro descriptum crura usque ad quadrantes producta intersciunt.

Consect. Si igitur crus unum vel utrumque quadrantem superet, de pro excessu, erit arcus inter residuos quadrantes anguli propositi mensura.

TRIG. P. 2. DE TRIANG. SPHER. THEOR. 7, 8, 9, 10, 11.

7. Trianguli sphaerici tres anguli simul sumpti sunt duobus rectis majores. In Triangulo autem rectangulo Anguli quinque rectis minores sunt.

Consect. Ex hoc igitur & theoremate 5^{to} patet; Ex datis tribus angulis sphaericis triangulum non efformari, nisi & ipsi conjunctim sumpti, & binorum quorumque complementa reliquo tertio addita, duos angulos rectos excedant.

8. In Triangulo sphaerico rectangulo, ejus singula latera sunt quadrantibus minora, reliqui duo anguli sunt acuti. Et contra, si reliqui duo anguli sint acuti, singula latera quadrantibus minora erunt.

9. Si Trianguli rectanguli sphaerici duo reliqui anguli sint obtusi, latera eis opposita sunt quadrantibus majora; tertium, quod recto opponitur, quadrantibus minus est. Et vicissim: Si in hujusmodi triangulo duo latera quadrantibus majora sint, anguli oppositi sunt obtusi.

10. Si in Triangulo sphaerico rectangulo cathetus altera, vel utraque est quadrans; etiam hypotenusa quadrans erit. Si vero utraque minor vel major sit quadrantibus; hypotenusa erit quadrantibus minor. Si altera major, altera minor quadrantibus fuerit, erit hypotenusa quadrantibus major. Et contra: Si in triangulo rectangulo hypotenusa sit quadrans, erit utraque, vel saltem altera cathetus, quadrans. Si vero minor quadrantibus, cathetus utraque minor vel major quadrantibus erit. Si denique (hypotenusa) major quadrantibus fuerit, erit cathetus altera major, altera minor quadrantibus.

11. Si rectanguli Trianguli cathetus altera est quadrans; angulus eidem oppositus erit rectus, indeque Triangulus

24 TRIG. P. 2. DE TRIANG. SPHÆR. TH. 12, 13, 14, 15, 16.

angulum birectangulum. Si verò quadrante minor, angulus oppositus est acutus; si quadrante major; obtusus. Et contrà.

12. Birectanguli duo latera angulos rectos subtendentia sunt quadrantes. Et contrà: Si Trianguli sphærici duo latera sint quadrantes; oppositi anguli erunt recti.

Consect. Tirectanguli igitur omnia tria latera sunt quadrantes; & vice versa.

13. Si birectanguli reliquus angulus acutus fuerit; tertium latus quadrante minus est. Si verò obtusus; quadrante majus. Et contrà: Si birectanguli tertium latus fuerit quadrante minus; angulus reliquus erit acutus; si quadrante majus; obtusus.

14. Trianguli sphærici rectanguli cum duobus acutis angulis, cujus catheti continuantur, complementum est rectangulum cum duobus obtusis: Si verò cathetus una & hypotenusa producantur; rectangulum cum acuto & obtuso. Vicissim: Complementum rectanguli cum duobus obtusis, in quo catheti continuantur, est rectangulum cum duobus acutis. Catheto autem altera & hypotenusa continuatis; rectangulum cum acuto & obtuso.

15. At rectanguli cum acuto & obtuso, cujus catheti producuntur, complementum est rectangulum propositum simile, cum acuto nempe & obtuso. Si verò crura anguli obtusi producantur; rectangulum cum duobus obtusis: cruribus autem anguli acuti productis, rectangulum cum duobus acutis.

16. Birectanguli, cujus tertius angulus est acutus, complementum est birectangulum cum angulo obtuso. Et contrà: Birectanguli cum angulo obtuso complementum est birectangulum cum acuto, si in utroque alter quadrans

&

TRIG. P.2. De TRIAN. SPHÆR. TH. 17, 18, 19, 20, 21, 22. 25

& latus tertium minus vel majus quadrante continuentur. Si verò ipsi quadrantes producantur; complementum est proposito Triangulo simile. Trirectanguli autem complementum semper trirectangulum est.

17. In Triangulis sphericis universis Sinus laterum Sinibus oppositorum angulorum sunt directè proportionales.

18. In Triangulis rectangulis coherrentibus Sinus hypotenusarum ac cathetorum inter se directè proportionales sunt.

19. In iisdem rectangulis coherrentibus Sinus basium & Tangentes cathetorum inter se directè proportionales sunt.

20. In triangulis sphericis universis ut est quadratum Radii ad rectangulum sub sinibus rectis duorum quorumque laterum inter se inæqualium comprehensum; ita quodque est Sinus versus anguli à lateribus illis contenti ad differentiam inter Sinum versus tertii lateris, & sinum versus, quo duo priora latera differunt.

Nota: Vocari hæc differentia à nonnullis *Sinus differentialis* solet.

21. Si duorum arcuum, singulatim quadrante minorum, minorum addatur, tum subtrahatur complemento majoris; erit differentia sinuum, aggregato & residuo debitorum, dupla quarti proportionalis, si arcus minor defecerit à complemento: Summa verò, si complementum excesserit.

22. Arcus maximi circuli, inter polos duorum circulorum itidem maximorum interjectus, æquatur angulo ab iisdem (circulis) ad communem sectionem comprehenso.

Consect. Trianguli igitur sphaerici latera in angulos & anguli in latera converti possunt; si pro lateribus quadrante minoribus anguli acuti partium numero iisdem (lateribus) æquales, & pro angulis latera sumantur; pro lateribus autem quadrante majoribus, aut angulo obtuso, complementa ad semicirculos.

23. In Triangulo sphaerico rectangulo Radius est *modie* loco proportionalis inter Sinum rectum propositi arcus vel anguli & Secantem complementi ejusdem: itemque inter Sinum complementi & Secantem propositi arcus angulive.

24. In eodem Triangulo rectangulo Radius est *modie* loco proportionalis inter Tangentē arcus angulive propositi & Tangentem complementi ejusdem: Et sic etiam contra, inter Tangentem complementi, & arcus angulive propositi.

Nota: In sphaericis locum quoque habent Libri primi Euclid. Propos. 4. 5. 6. 13. 15. 18. 19. 20. 24. 25. 26. Si pro lineis rectis arcus circulares, & pro triangulis planis sphaerica assumantur: Quarum demonstrationes videantur apud Regiomontanum Lib. 3. de triangulis: & Clavius, Tractatu de triangulis sphaericis.

MONITUM GENERALE.

De Triangulorum Sphaericorum Rectangulorum Dimensione.

Per sequentia problemata non nisi ea *rectangula* solvuntur, quorum duoreliqui anguli sunt acuti, atque adeo singula latera quadrante minora. Theoremata autem, quibus illo-

illorum triangulorum dimensio expeditur, sunt 17, 18, 19, 20, & quæ sequuntur. Si verò Data & Quæsitæ in proposito triangulo proportionem theorematibus illis expressam non exhibeant; instituenda est continuatio, quoad vel triangulum simplex, vel duo copulata triangula proveniant, in quibus proportio solutioni apta comparatur. De reliquorum autem rectangulorum dimensionibus monebitur in calce problematum.

PROBLEMATATA.

PRO INVENTIONE CATHETORUM.

I. Dato in Triangulo Spharico rectangulo hypotenusa, & angulo acuto, qui catheto quæsita opponitur; invenire hanc cathetum.

Mod. 1. Fiat ex theoremate decimo septimo vel 18.

Ut Radius sive Sinus anguli recti ad Sinum hypotenuse distat; ita Sinus anguli dati ad Sinum Catheti huic oppositi.

Mod. 2. Per theorema vigesimum.

Dividatur rectangulum sub complementis hypotenuse & anguli dati per Radium. Quod prodit, addatur ad Sinum versum differentie eorundem complementorum. Aggregatum dabit Sinum versum cui lateris. Unde latus ipsum per problemata generalia facile invenietur.

Mod. 3. Vel etiam ex theoremate 21.

Datum minus (sive angulus sit, sive hypotenusa) complemento majoris addatur & subtrahatur. Semissis residui vel aggregati Sinuum, prout complementum minus aut majus fuerit dato minori, exhibebit Sinum catheti quæsiti.

II. Data hypotenusa & angulo acuto, quæsita catheto adjacentis; invenire hanc cathetum.

D.

Mod.

28 TRIG.P.2.DETRIANG.SPH.RECT.PROB.3.4.

Mod. 1. Fiat ex theoremate decimo nono.

Ut Sinus complementi anguli dati ad Tangentem complementi hypotenusa data; ita Radius ad Tangentem complementi catheti quaesita.

Mod. 2. Vel Radius ad primum locum retracto, per theorema 23. in priori parte proportionis.

Ut Radius ad Secantem anguli dati; ita Tangens complementi hypotenusa data ad Tangentem complementi catheti quaesita.

Mod. 3. Vel etiam ita, per theorema decimum nonum.

Ut Radius ad Tangentem hypotenusa data; ita Sinus complementi anguli dati ad Tangentem catheti quaesita.

III. Data hypotenusâ, & alterâ catheto; investigare reliquam.

Mod. 1. Fiat ex theoremate decimo septimo vel decimo

o Rayo.

Ut Sinus complementi data catheti ad Sinum complementi hypotenusa data; ita Radius ad Sinum complementi quaesita catheti.

Mod. 2. Vel per theorema 23, Radius ad initium retracto.

Ut Radius ad Secantem data catheti; ita Sinus complementi hypotenusa data ad Sinum complementi quaesita catheti.

Mod. 3. Vel etiam.

Ut Radius ad Secantem data hypotenusa; ita Sinus complementi data catheti ad Secantem catheti quaesita.

IV. Data alterâ catheto, & angulo; qui reliqua opponitur; inquirere hanc reliquam.

Mod. 1. Fiat ex theoremate decimo nono.

Ut

TRIG.P.2.DE TRIANG.SPH.RECT..PROB.5.6. 29

Ut Sinus catheti data ad Tangentem complementi anguli dati; ita Radius ad Tangentem complementi quæsita catheti.

Mod. 2. Vel, transposito radio in primum locum per theor. 24.

Ut Radius ad Secantem complementi data catheti; ita Tangens complementi anguli dati ad Tangentem complementi quæsita catheti.

Mod. 3. Vel ita, ex theoremate decimo nono.

Ut Radius ad Tangentem anguli dati; ita Sinus catheti data ad Tangentem catheti quæsita.

V. Data altera catheto, & angulo reliqua adjacentente; reliquam hanc invenire.

Mod. 1. Fiat ex theoremate decimo nono.

Ut Tangens anguli dati ad Radium; ita Tangens catheti data ad Sinum catheti quæsita.

Mod. 2. Vel, Radio ad initium reducto, per theorema 24.

Ut Radius ad Tangentem complementi anguli dati; ita Tangens catheti data ad Sinum catheti quæsita.

Mod. 3. Vel etiam,

Ut Radius ad Tangentem complementi catheti data; ita Tangens anguli dati ad Secantem complementi catheti quæsita.

VI. Dato utroque angulo acuto; utramlibet cathetum investigare.

Mod. 1. Ex theoremate decimo septimo vel 8 fiat:

Ut Sinus anguli quæsita catheto adjacentis ad Sinum complementi anguli reliqui; ita Radius ad Sinum complementi quæsita catheti.

Mod. 2. Vel, transposito Radio, per theor. 23.

D3

Ut

30 TRIG. P. 2. DE TRIANG. SPH. REC. PROBL. 7. 8.

Ut Radius ad Secantem complementi anguli quaesita catheto adjacentis; ita Sinus complementi anguli reliqui ad Sinum complementi quaesita catheti.

Mod. 3. Vel denique.

Ut Radius ad Sinum anguli quaesita catheto adjacentis; ita Secans anguli reliqui ad Secantem catheti quaesita.

PRO INVENTIONE HYPOTENUSÆ.

VII. *Data alterutra catheto, & angulo huius opposito; hypotensam reperire.*

Mod. 1. *Ex theoremate decimo septimo. Fiat,*

Ut Sinus anguli dati ad Radium; ita Sinus data catheti ad Sinum hypotensæ quaesita.

Mod. 2. Vel etiam, revocato ad primum locum Radio, per theor. 22.

Ut Radius ad Secantem complementi anguli dati; ita Sinus data catheti ad Sinum hypotensæ quaesita.

Mod. 3. Vel etiam,

Ut Radius ad Sinum anguli dati; ita Secans complementi catheti data ad Secantem hypotensæ quaesita.

IX. *Data catheto alterutra cum angulo eidem adjacente; hypotensam inquirere.*

Mod. 1. *Fiarex theoremate decimo nono,*

Ut Sinus complementi anguli dati ad Radium; ita Tangens data catheti ad Tangentem hypotensæ quaesita.

Mod. 2. Vel, protracto ad primum locum Radio, per theor. 23.

Ut Radius ad Secantem anguli dati ita Tangens data catheti ad Tangentem hypotensæ quaesita.

Mod. 3. Vel aliter, per theorema 19.

Ut

TRIG. PR. DE TRIANG. SPHER. RECT. PROB. 9. 38

Ut Radius ad Tangentem complementi catheti data; ita Sinus complementi anguli dati ad Tangentem complementi quæsitæ hypotenuse.

IX. Data utraque catheto; hypotenusam invenire.

Mod. 1. Ex theoremate decimo septimo vel decimo octavo.

Ut Radius ad Sinum complementi utriuslibet catheti; ita Sinus complementi catheti reliquæ ad Sinum complementi hypotenuse quæsitæ.

Mod. 2. Vel, retracto Radio ad secundum locum, per theorema 23.

Ut Secans utriuslibet catheti ad Radium; ita Sinus complementi alterius catheti ad Sinum complementi hypotenuse quæsitæ.

Mod. 3. Vel etiam, relicto Radio in loco primo, fiat per Secantes:

Ut Radius ad Secantem catheti alterutrum; ita Secans catheti reliquæ ad Secantem hypotenuse inveniendæ.

Mod. 4. Vel per theorema 25.

Addantur & subtrahantur invicem cathetus minor & complementum majoris. Sinusque differentia, vel adjungatur ad Sinum aggregari, vel eidem auferatur, prout complementum minus vel majus fuerit catheto minore; Semissis enim Sinus provenientis est Sinus complementi hypotenuse.

X. Dato utroque angulo acuto; invenire hypotenusam.

Mod. 1. Ex theoremate decimo nono.

Ut Tangens utriuslibet anguli dati ad Radium; ita Tangens com-

32 TRIG. P. 2. DE TRIANG. SPH. RECT. PROB. II. 12.

complementi reliqui anguli ad Sinum complementi hypotenusa quaesita.

Mod. 2. Vel, Radius in primum locum reposito, per theorema 24.

Ut Radius ad Tangentem complementi utriuslibet anguli dati; ita Tangens complementi anguli reliqui ad Sinum complementi hypotenusa quaesita.

Mod. 3. Vel denique,

Ut Radius ad Tangentem anguli utriuslibet; ita Tangens anguli reliqui ad Secantem hypotenusa quaesita.

INVENTIO ANGULORUM.

XI. *Datâ hypotenusa, & catheto, qua opponitur angulo quaesito; indagare hunc angulum.*

Mod. 1. Per theorema 17. fiat,

Ut Sinus hypotenusa data ad Radium; ita Sinus catheti data ad Sinum anguli quaesiti.

Mod. 2. Vel, Radius ad primum locum translato, per 23. theorema.

Ut Radius ad Secantem complementi hypotenusa data; ita Sinus catheti data ad Sinum anguli, qui quaeritur.

Mod. 3. Vel tandem;

Ut Radius ad Sinum data hypotenusa; ita Secans complementi data catheti ad Secantem complementi anguli quaesiti.

XII. *Datâ hypotenusa, & catheto, qua adjacet quaesito angulo; investigare hunc angulum.*

Mod. 1. Ex theoremate decimo nono, fiat:

Ut Tangens hypotenusa data ad Radium; ita Tangens catheti data ad Sinum complementi anguli quaesiti.

Mod.

TRIG.P.2.De TRIANG.SPH.RECT.PROBL.13. 33

Mod.2. Vel etiam hoc modo, ex eodem theoremate:

Ut Tangens complementi data catheti ad Radium; ita Tangens complementi hypotenusa data ad Sinum complementi anguli quaesiti.

Mod.3. Vel, transposito ad primum locum Radio, per theor. 14:

Ut Radius ad Tangentem complementi data hypotenusa; ita Tangens data catheti ad Sinum complementi quaesiti anguli.

Mod.4. Vel ita etiam:

Ut Radius ad Tangentem hypotenusa data; ita Tangens complementi data catheti ad Secantem anguli, qui quaeritur.

XIII. *Data hypotenusa, & altero acutorum angulorum; inquirere angulum reliquum.*

Mod.1. Fiat ex theoremate decimo nono:

Ut Radius ad Tangentem anguli dati; ita Sinus complementi hypotenusa data ad Tangentem complementi anguli quaesiti.

Mod.2. Vel, Radio in medium locum collocato, per 24 theorema:

Ut Tangens complementi anguli dati ad Radium; ita Sinus complementi hypotenusa data ad Tangentem complementi anguli quaesiti.

Mod.3. Vel ita:

Ut Radius ad Secantem hypotenusa; ita Tangens complementi anguli dati ad Tangentem quaesiti anguli.

XIV. *Data utraq, catheto; investigare angulum utrumlibet.*

Mod.1. Fiat ex theoremate decimo nono:

Ut Sinus catheti quocunque angulo adiacentis ad Radium; ita

34 TRIG. P. 2. DE TRIANG. SPH. RECT. PROB. 14^{us}.

Tangens catheti, eidem angulo opposita, ad Tangentem hujus anguli.

Mod. 2. Per theorema 23, ut Radius primum locum occupet:

Ut Radius ad Secantem complementi catheti, quasito angulo adjacentis; ita Tangens catheti, angulo eidem opposita, ad Tangentem hujus quasiti anguli.

Mod. 3. Vel aliter, per theorema 19:

Ut Radius ad Tangentem complementi catheti, qua opponitur quasito angulo; ita Sinus catheti, qua eidem angulo adjacent, ad Tangentem complementi anguli quasiti.

XV. Dato altero acutorum angulorum, & catheto, quae reliquo opponitur; invenire hunc reliquum angulum,

Mod. 1. Ex theoremate decimo octavo fiat:

Ut Radius ad Sinum anguli dati; ita Sinus complementi datae catheti ad Sinum complementi anguli quasiti.

Mod. 2. Vel, Radio in medium locum reposito, per 23 theorema:

Ut Secans catheti data ad Radium; ita Sinus anguli dati ad Sinum complementi anguli quasiti.

Mod. 3. vel ita:

Ut Radius ad Secantem complementi anguli dati; ita Secans catheti data ad Secantem anguli quasiti.

Mod. 4. Vel, per theorema 21:

Exponantur complementum anguli dati ac data cathetus: & datum minus complemento majoris dati tum addatur, tum subtrahatur. Semissis aggregati vel differentiae Sinuum, ut est in theoremate, erit Sinus complementi anguli, qui postulatur.

XVI. Da-

XVI. *Dato alterutro acutorum angulorum, & catheto, quæ adjacet reliquo; inquirere hunc reliquum angulum.*

Mod. 1. Fiat ex theoremate 17 vel decimo octavo:

Ut Sinus complementi data catheti ad Sinum complementi anguli dati; ita Radius ad Sinum anguli inquirendi.

Mod. 2. Vel, Radius ad primum locum deducto, per theorema 23,

Ut Radius ad Secantem catheti data; ita Sinus complementi anguli dati ad Sinum anguli quesiti.

Mod. 3. Vel etiam ita:

Ut Radius ad Sinum complementi data catheti; ita Secans anguli dati ad Secantem complementi anguli, qui postulatur.

MONITA,

De Dimensione reliquorum Rectangulorum.

1. Si proponatur *triangulum rectangulum cum duobus obtusis angulis, aut cum obtuso & acuto*; solvatur utriusque loco complementum, quod præter rectum duos habet acutos. Tale enim priori triangulo continuatis cathetis: posteriori cruribus anguli acuti continuatis opponitur, per theoremata 14 & 15.

Eadem ratio est *rectanguli*, cujus duo latera singulatim *quadrante majora sunt*; aut *unum majus quadrante, reliqua quadrantibus minora*. Illic enim duobus istis lateribus anguli obtusi opponuntur; hic verò obtusus & acutus, per theoremata 9 & 15.

2. Si *triangulum*, quod proponitur, est *birectangulum*: deturque præterea *angulus tertius minor vel major recto*; nullâ Trigonometriâ opus est, cum latera angulos rectos sub-

36 TRIG. P. 2. DE TRIANG. SPHÆR. RECT. MONIT.

tendentia sint quadrantes, per theorema 12. Tertium autem latus, oppositi anguli mensura, per theorema 6. Eodem modo se res habet, si *Triangulum* sit vel datum *biquadrantale*, vel tale ex theoremate 10 agnitus. Quod si *irirectangulum* fuerit; erit quoque triquadrantale, & contra, per consecratum theoremaris 12.

3. Quia etiam fieri potest, ut in problemate quinto *cathetus inveniendus* sit *quadrante major*; postulanda ejus determinatio est. Nam, si major quadrante datur, etiam hypotenusa quadrantem excedet, per th. 10; eritque solutio instituenda ex monito primo. Eadem ratio est hypotenuse inquirendæ in probl. 7imo. Quia enim hæc quoque quadrante major esse potest, si id ex datis, vel aliunde constat, erit etiam altera cathetus major quadrante, & solutio sub idem monitum cadet.

Triangulorum Sphæricorum Obliquangulorum Dimensio.

THEOREMATA.

25. In Triangulo sphærico, cujus omnes anguli sunt acuti, latera singula sunt quadrantibus minora.

26. Si in Triangulo sphærico latera omnia sunt quadrantibus majora; vel unum quadrans, reliqua majora quadrantibus; omnes anguli sunt obtusi.

27. Si Trianguli sphærici duo latera sunt quadrantibus minora, reliquum vel quadrans, vel majus quadrante; anguli lateribus quadrante minoribus oppositi erunt acuti; reliquus obtusus.

28. Si Trianguli sphærici obliquanguli duo anguli
ad

ad basin specie iidem fuerint, (hoc est, uterque vel acutus, vel obtusus;) perpendicularis arcus à vertice ductus cadit intra Triangulum. Si specie diversi (hoc est, alter acutus, alter obtusus;) extra.

29. Si in Triangulo sphærico arcus perpendicularis, à vertice cujuslibet anguli demissus, cadat intra Triangulum; Sinus complementi segmentorum, quæ fiunt in basi, proportionales sunt Sinibus complementi crurum segmentis contentorum.

30. Si in Triangulo sphærico perpendicularis arcus, à quovis angulo in basin terminatam vel productam cadat; erunt Sinus angulorum, à cruribus ac perpendiculari comprehensorum, proportionales Sinibus complementi, qui debentur angulis à cruribus ac segmentis adjacentibus comprehensis.

31. In Triangulo sphærico isoscele arcus perpendicularis à vertice ductus, tum angulum, tum basin bisecat.

PROBLEMAT A.

TRIANGULORUM SPHÆRICORUM OBLIQUANGULORUM.

XVII. Datis in Triangulo sphærico obliquangulo duobus angulis, & latere alteri opposito; latus reliquo dato angulo oppositum investigare.

Mod. 1. Quia hic anguli ac latera, quæ dantur & queruntur, sibi mutuo opponantur, ideo ex theor. 17. fiat:

Ut Sinus anguli dato lateri oppositi ad Sinum lateris dati; ita Sinus anguli quæsito lateri oppositi ad Sinum hujus quæsiti lateris.

Not. Si alter vel uterque datus angulus fuerit obtusus;

Ej

fiat

38 TRIG. P. 2. DE TRIANG. SPH. OBL. PROBL. 17. 18.

sum; sumantur eorum Sinus complementi ad semicirculos, cum idem sit Sinus hujusmodi duorum arcuum, per theor. 1. rectilineorum.

Mod. 2. Reductione ad Rectangula.

Cas. 1. Deducatur arcus perpendicularis ab angulo ignoto in latus oppositum, *coq. intra triangulum cadente*, (quod, quando fiat, ostendit theorema 28;) inquiratur primum ipse arcus perpendicularis ex angulo ei opposito & latere dato, per probl. 1. hujus. Postea vero latus oppositum ex angulo reliquo & invento ante perpendiculari arcu, per probl. 7.

Cas. 2. Quod si arcus perpendicularis extra Triangulum ceciderit, (quod etiam theorema 28 manifestat;) eo, ut prius, ex opposito angulo & latere dato per probl. 1. invento; inquiratur deinde latus postulatum ex angulo reliquo dato & arcu perpendiculari jam invento, per probl. 7.

XVIII. *Datis in eodem Triangulo spherico duobus lateribus, & angulo alterutri opposito; angulum reliquo lateri dato oppositum indagare.*

Mod. 1. Cum hic quoque latera angulis & anguli lateribus opponantur, ut in antecedente problemate; proportio ad quaesiti inventionem ex eodem theoremate 17 ita deducetur.

Ut Sinus lateris dato angulo oppositi ad Sinum anguli dati; ita Sinus lateris quaesito angulo oppositi ad Sinum anguli quaesiti.

Not. Quod de ambiguitate quaesiti anguli probl. 9no planorum monuimus, id hic etiam locum habet. Quare, si ex datis, vel aliunde, constet, angulum inquirendum esse obtusum;

TRIG.P.2.DETRIANG.SPHÆR.OBL.PROB.19. 39

sum; detrahatur is, qui invento Sinui respondet, de duobus rectis: quod restat, erit obtusus quæsitus.

Mod. 2. *Reductione ad Rectangula.*

Cas. 1. Si arcus perpendicularis ab angulo datis lateribus comprehenso demissus *intra Triangulum cadat*, (quod contingit ex theoremate 28, ut antea;) investigetur primo loco arcus ille ex angulo eidem opposito, & latere huic angulo adjacenti, per probl. 1. Deinde angulus, quem volumus, ex inquisito illo arcu, & reliquo latere dato inveniat, per probl. 11.

Cas. 2. At si arcus perpendicularis *extra Triangulum ceciderit*, (quod ex eodem theoremate cognosci poterit;) repperito primum, perinde ut antea, arcu isto ex dati anguli complemento ad duos rectos, & latere, quod eidem adjacent, per probl. 1; inquiratur postea angulus postulatus ex hoc ipso arcu & reliquo latere dato, per probl. 11, eodem modo, ut prius.

XIX. *Datis duobus lateribus Trianguli obliquanguli sphaerici; (singulatim quadrante minoribus.) cum angulo ab iisdem comprehenso; latus tertium inquirere.*

Mod. 1. Ex theor. 28 operatio ita instituat. Invento rectangulo sub sinibus rectis datorum laterum, eoque per Radium divisio; quærat, quoque Sinus versus tum anguli dati, tum differentia, quæ inter latera data intercedit, & fiat inde huiusmodi proportio:

Ut Radius ad rectangulum sub Sinibus datorum laterum Radio divisum; ita Sinus versus anguli dati ad Sinum differentialem.

Qui

Qui Sinus ad Sinum versum differentie laterum additus constituit Sinum versum tertii lateris. Unde latus ipsum facile innotescet.

Mod. 2. Per Sinus rectos.

Comparentur inter se crura minus dati anguli & complementum majoris: alterumq; alteri cum addatur, tum subtrahatur. Sinus aggregati erit *Inventum primum*. Huic invento primo Sinus differentie addatur, si *crura* magnitudine præstet complemento; subtrahatur verò, si cedat: & quod colligitur, aut relinquitur, dimidietur. Dimidium erit *Inventum secundum*. Ablato deinde invento secundo ab invento primo, ut remaneat *Inventum tertium*; desumatur ex Canone Sinus complementi anguli dati, si quidem is acutus est; Sinus verò excessus supra quadrantem, si obtusus, quorum uterq; erit *Inventum quartum*. Tum ex invento secundo & quarto instituatur hujusmodi proportio:

Ut Radius ad Inventum secundum; ita Inventum quartum ad Inventum quintum.

Hoc autem inventum quintum addatur invento tertio, si crura dati anguli sint affectionis ejusdem, (hoc est, utrumq; vel minus, vel majus quadrante,) & angulus ipse acutus. Vel etiam, si crura diversa sint affectionis (hoc est, alterum majus quadrante alterum minus,) & angulus, quem continent, obtusus. Nam priore casu proveniet Sinus complementi lateris quæsit: posteriore Sinus excessus ejusdem lateris supra quadrantem. Contrà verò inventum quintum & tertium inter se subtrahantur, si data crura fuerint ejusdem affectionis, & angulus obtusus. Vel etiam, si eadem crura diversa affectionis fuerint, & comprehensus angulus acutus. Priore enim casu differentia illorum inventorum dabit Sinum

TRIG. P. 2 De TRIANG. SPH. OBL. PROBL. 19. 41

num excessus lateris inquirendi supra quadrantem, siquidem inventum tertium magnitudine cedat quinto: Sinum verò complementi, si præster. At posteriore casu dabit differentia Sinum complementi lateris quærendi, si inventum tertium cedat quinto: Sinum excessus supra quadrantem, si præster.

Nora, Si crus minus & complementum majoris inter se æquantur; idem est inventum secundum & tertium. Reliqua autem se habent, ut jam expositum est.

Modus 3. Reductione ad Rectangula.

Deducatur perpendicularis arcus ab alterutro angulo ignoto in latus oppositum, *eog. intra Triangulum cadente*; inquireatur hic arcus unà cum segmento lateris, dato angulo adjacentē, & quidem ex hoc ipso angulo alteroqve latere dato per probl. 1 & 2^{um} Sphæricorum. Subtracto deinde segmento invento de toto latere pro basi assumpto; investigetur postea latus quæsitum ex reliquo segmento, & arcu perpendiculari jam acquisito, per probl. 9. Quod si arcus perpendicularis *extra Triangulum ceciderit*; eo itidem ex latere reliquo & complemento dati anguli ad duos rectos investigato, per probl. 1. ut etiam segmento externo per probl. 2; addatur id lateri pro basi assumpto, atque ex aggregato arcuq; perpendiculari latus postulatam per probl. 9. inquireatur, siquidem & aggregatum & latus inveniendum quadranti cedant. At si alterum vel utrumq; quadrantem superet, peragenda operatio est, ut monita Rectangulis Sphæricis subjuncta ostendunt.

XX. *Datis omnibus lateribus Trianguli obliquanguli, angulum à quibuslibet duobus lateribus singulatim quadrante minoribus comprehensum investigare.*

Mod. 1. Ex Theoremate 20 res ita peragatur. Diviso rectangulo sub cruribus quaesiti anguli per Radium; inveniatur tum Sinus versus basis, sive tertii lateris, tum differentiae crurum, minorque de majori subtrahatur. Post, in regula trium numerorum proportio ita ordinetur:

Ut rectangulum sub cruribus anguli quaesiti Radio divisum ad ipsum Radium; ita differentia inter Sinum versus differentia crurum ad Sinum versus anguli inquirendi.

Hujus igitur Sinus rectus per problemata generalia inventus dabit angulum, quem volumus.

Mod. 2. Addantur inter se & subtrahantur crura minus anguli inquirendi & complementum majoris, eritque Sinus aggregati *Inventum primum*. Tum detracto Sinu differentiae ab hoc invento primo, si complementum magnitudine praestet cruri; addito ad idem inventum, si cedat; dimidietur id, quod utrobique provenit. Dimidium erit *Inventum secundum*. *Inventum* autem tertium dabit Sinus complementi basis sive lateris tertii, ubi id (latus) quadrante minus est: Sinus excessus, ubi major. Post auferatur *Inventum* tertium à primo, quoties basis deficit à quadrante; addatur verò ad primum, quoties quadrantem superat. Quod relinquitur aut colligitur erit *inventum quartum*. Denique ex invento secundo & quarto instituatur hujusmodi proportio:

Ut

Ut Inventum secundum ad Inventum quartum; ita Radius ad Sinum versum anguli quaesiti: hoc est, ad Inventum quintum.

Indè igitur deductus Sinus rectus exhibebit angulum quaesitum, qui acutus erit, si inventus Sinus versus Radio cedat; obtusus, si præster.

Nota: Si crus minus & complementum majoris inter se æquentur; erit dimidium inventi primi Inventum secundum; cum nullus tunc adsit Sinus differentiae.

Mod. 3. Si quis Sinibus rectis uti malit; rem ita instituat. Deducta operatione hujusmodi, usque dum prodeat inventum secundum, quod invento primo additum vel subductum relinquat *Inventum tertium*; comparentur inter se hoc ipsum inventum tertium & Sinus complementi basis sive terti lateris, fiatque minoris de majori subtractio, si basis quadranti cedit. At si basis quadrantem superet, addatur Sinus excessus ad Inventum tertium. Quod hic producitur, aut à Subtractione superiori relinquitur, est *Inventum quartum*. Indè autem fiat talis proportio:

Ut Inventum secundum ad Inventum quartum: ita Radius ad Inventum quintum.

Hoc autem inventum quintum est Sinus complementi anguli quaesiti, cum basis deficit à quadrante, ejusque Sinus complementi invento tertio præstat. Contrà verò Inventum quintum est Sinus excessus anguli inquirendi supra quadrantem, cum basis est quadrante major; aut si minor, cum ejusdem (basis) Sinus complementi Invento tertio cedit. Tunc enim Inventi quinti arcus 90 gradibus additus angulum quaesitum exhibebit.

44 TRIG. P. 2. De TRIANG. SPH. OBL. PROBL. 21.

MONITA ad hoc & proximè præcedens problema.

1. *Si crura dati vel quæſiti anguli inter ſe æqualia ſint; habeatur alterum pro minori, & fiant cetera, uti dictum eſt in problemate.*

Vel etiam: demittatur arcus perpendicularis à vertice illius anguli in latus oppoſitum, qui perpetuo in latus medium cadet, indeqve inveniatur quæſitum per problemata reſtangularum præcedentia.

2. *Si crus unum dati vel quæſiti anguli quadrans fuerit; producat̃ur quoq; alterum latusqve ad quadrantem, & duo hi quadrantes arcu ex vertice anguli deſcripto jungantur. Ità enim triangulum dato contiguum conſtituetur, in quo complementum producti cruris & deſcriptus arcus angulum reſtū continebunt; latus autem quæſitum per probl. 9 innotefcet; & angulus ex inventa ejus menſura, arcu nempe quadrantes jungente per probl. 3.*

3. *Si alterum crus anguli dati vel quæſiti quadrantem excedat; continuentur ſingula latera ſqve ad ſemicirculos; ita enim eorum complementa triangulum exhibebunt, in quo dati ac quæſiti anguli crura ſingula quadrantibus latera minora.*

4. *Si deniq; utrumq; crus quadrante majus detur; loco propoſiti trianguli ſolvatur ejus complementum; ità in omni datorum varietate quæſito ſatis fiet.*

XXI. Datis Trianguli obliquanguli omnibus angulis, invenire latera.

Mod. 1. Commutentur per theor. 22. ejusqve conſeſtarium dati anguli in latera, aſſumpto loco anguli obtuſi
ejus

¶ TRIG. P. 2. De TRIANG. SPH. OBL. PROBL. 27. 45

ejus complemento ad duos rectos s: 180. Hinc velut ex datis lateribus inquirantur per probl: proximè antecedens ipsi anguli, quæ lateribus quæsitis æquivalent, per idem Theor.

Not: Ut hæc enallage sive commutatio laterum & angulorum rectè procedat, observandum illud est, quod theoremate 7^{mo} ejusque consecutario continetur. Si enim ea requisita desint, frustra hic modus tentatur.

Mod. 2. Reductione ad Rectangula:

Cas. 1. Demittatur arcus perpendicularis à dato maximo angulo in latus oppositum: *Quicum intra triangulū cadat*, assumatur Sinus complementorum duobus reliquis angulis debiti, iiqve invicem addantur ac subtrahantur. Deinde bisecetur angulus, unde deductus est arcus perpendicularis; inveniatq; Tangente bisegmenti, proportio ex theor: 9, planorum (quod in sphericis quoque Triangulis quandoque locum habet;) vel potiùs ex theoremate 30 hujus ità instituat:ur:

Ut summa Sinuum complementorum ad differentiam eorundem: ità Tangens dimidii anguli, unde demissus est perpendicularis arcus, ad Tangentem differentia, qua major angulus à perpendiculari factus superat hoc dimidium, minor ab eodem deficit.

Si igitur arcus huic Tangenti respondens ad dimidium illud addatur, indeq; etiam subtrahatur, prodibunt duo anguli, in quos maximus angulus à perpendiculari secatur. Et hinc porro crura hujus anguli invenientur per problema 10 hujus; segmenta autem basis per probl. 6.

Cas. 2. Quod si arcus perpendicularis non ex maximo angulo, sed quovis alio deducatur, isqve extra triangulum cadat, proportio hoc modo est ordinanda: